

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

Ethicè.

---

[urn:nbn:de:hbz:466:1-68709](#)

seu simulato vultu, i<sup>ñ</sup> quo Mammonæ inhiantes, dolosaque manu rei alienæ  
insidiantes.

## SYMBOLVM XXXVIII.

Iason, ope Medeæ, vellus aureum rapit.

7. Metamorph.

## Ethicè.

1. Indoles magnanima. 2. Virtutis comes prudentia. 3. Eius calcar,  
præmia. Aurei velleris origo. 4 Victoria sui. 5. Lucta Ratio-  
nis & Appetitus. 6. Aries Symbolicè.

**J**ason filius fuit *Æsonis*, fratri *Peliae*, regis Thessaliæ, qui *Æsonem*,  
mortuo *Creteo* parente, hereditate paterna eversurus, extorrem egit.  
Cuius impietatis ac injüsticie ut ne pœnas daret, statuit Jasonem, præ-  
claræ indolis adolescentem, ex fratre nepotem, perdere; idque per cuni-  
culos & insidias. Consilium igitur, haud novum tyrannis, suggerit juve-  
ni, ingenio manuque prompto, si vellet, ut dimidium regni cum ipso par-  
tiret, proficisciatur in *Colchidem*, regionem Asie ad vellus aureum (com-  
mune tunc temporis heroicæ fortitudinis ac felicitatis pignus & experimen-  
tum) inde referendum, non ignarus, in quanta pericula conjiceret magna-  
nimum pectus. Jason, cui sedebat animo nullis cedere difficultatibus,  
cum alioquin ipsius ætas & indoles nihil humile, nihil ignavum caperet,  
incensus studio adipiscendæ gloriae, navim ingentem, *Argo* dictam ab ar-  
chitecto, fabricat è ligno quercis Dodonææ fatidicæ, à Pallade ostensæ.  
Adsciscit sibi quinquaginta nobilissimos, fortissimosque illius ævi juvenes,  
è tota Græcia, excitos, navigationis socios, spe novæ laudis, famæque im-  
mortalis consequendæ. In his ipsum Herculem, Castorem & Pollucem  
*Dioscuros*, seu Jovis filios; Zeten quoque, & Calain Bereadas, nempe  
Borea vento prognatos; de quibus supra, multosque alios strenuos viros.  
E vatibus eum secuti sunt Orpheus, Mopsus, Amphiaraus.

Cumque hi Argonautæ diu incertis itineribus in ignoto mari vagati  
fuissent, tandem desideratum Colchorum portum, ubi fluvius *Phasis* exit  
in mare *Ponticum*, tenuerunt. Æta vel Æta, rex peregrinos comiter ex-  
cepit. Causam tam laboriosæ navigationis sciscitanti, responderet Jason,

B b 3

se



*se aurei velleris asportandi causa, atque ad Peliam, regem Thessaliae referendi, per tot discrimina advenisse. Rex Juvenem, & comites ipsius miseratus, quippe qui sciret, quam arduum id negotium esset, exposuit Jasoni pericula, quae in eo tentamento subeunda essent; opus esse virium haud quaquam humanarum: tauros domandos ignivomos, deinde ad arationem subjugandos: esse per vigilem draconem, velleris custodem, superandum: esse armatorum virorum, e dentibus draconis seminatis, repente enascentium exercitum excipiendum. Non terruerunt haec, animum virtutis plenum; quin accenderunt magis, & ad audendum provocarunt.*

*Interim, dum juvenis immani se accingit conatu, Medea Aetæ filia, non magis amore hospitis advenæ capta, quam periculo commota, post difficilem affectuum cum ratione luctam (timebat enim patriam, patrem, consanguineos offendere, & quodammodo prodere externis nuptiis) tandem commiseratione juvenis & eius virtute flexa, constituit, ei conjugii foedere se adjungere, & auxiliò, periclitantem juvare. Quocirca herbas quasdam in Hecatae luco carptas, & certo carmine incantatas, porrigit Jasoni, futurum adversus omnia monstra præsentissimum praesidium.*

*Jamque ad locum certaminis erat ventum, cum æripedes apparent tauri, ignem ore, naribus spirantes, & ipsas etiam herbas ardenti halitu incendentes, horridoque mugitu terorem spargentes. Contremiscebant alieno periculo, Jasonis socii, ipse non movebatur suo. Nihil cunctatus objicit se furibundis bestiis; fretusque amuleto, quod à Medea acceperat, mulcet palearia taurorum, & imposito jugo, illos aratro jungit, terram proscindit, dentes draconis, quondam à Cadmo interempti (nam aliquam eorum partem à Pallade acceperat) seminat, momentoque citius hastati & galeati prodeunt è terra viri, infesta Jasoni intentant arma. Non defuit sibi heros; saxum, ut erat monitus, ingens jaculatur in hostes, & ecce, conversis exemplo in semetipsos telis, mutuis vulneribus conciderunt omnes. Supereft ergo vincendus draco, crista terribili, lingua trisulca, fulmineis horrendus dentibus, custos arboris; ex qua vellus pendebat aureum, hunc ubi succo Lethæis de herbis expresso conspersit Jason, & valentia quedam verba addidit, continuo resoluta in somnum bellua, liberum heroi ad arborum permisit aditum. Ille deripit vellus aureum, tot votis exoptatum, tot laboribus quæsum, & cum Argonautis comitibus clandestinè discedens, nobile spolium, & unâ Medeam, charissimam sponsam, in Thessaliam avehit.*

*Insequitur*

Insequitur abeuntis iratus pater; hunc ut à via divertat Medea, *Absyrtum fratrem, etiamnum puerum (quem secum fugæ comitem in hæc consilia traxerat) membratim conscindit & laniat*: inque diversas spargit partes, ut scilicet persequentem regem obiectis laceri filii artubus averteret, & dum is se colligendis pueri membris detinet, effugiendi spatium inveniret. Successit crudelis dolus; patrem remoratur pietas; Medea cum Argonautis in Thessaliam, Jasonis patriam defertur, quæ heroas inclytos, post tot ac tantarum rerum gestam gloriam, immortalitatis famæ decora-  
tors, lata & gratulabunda excepit.

Cæterū origo velleris aurei hæc fuit. *Phryxus Athamantis Thessa-*  
*lorum regis, & Nephelæ filius, unà cum sorore Helle, defuncta matre, in-*  
*sidiā Inūs noveræ metuens, ariete consenso, qui aureo vellere, lanatus,*  
*Pontum ex ea, quæ angustior erat parte, sublimis in aëre trajicere cœpit.*  
*Helle undarum territa strepitu in Pontum decidit, & submersa est; unde*  
*factum, ut pars illa maris deinceps *Helliponti* nomen obtineret, Phryxus*  
*incolumis in Colchidem ad regem Æetam pervenit; à quo benignè exce-  
ptus, arietem Jovi, vel, ut aliqui volunt, Marti immolavit, & aureas illius*  
*exuvias in luco iis diis sacro suspendit. Aries verò vector inter sidera lo-  
catus, pristinam tenuit effigiem, atque à Phryxo Phryxéus est appellatus.*

### Ethica.

I. (a) Quod ingentia pericula in navigatione Colchica exantlanda, inque auferendo vellere aureo horrenda discrimina proposita, Jasonem nec à profectione, nec ab aggressione monstrorum absterrere quiverint, ostendit, animum & bohitatem naturæ præstantem, & virtutibus insigniter imbutum (id quod Jason instructori suo *Chirani* debebat) laudabilique gloriæ cupiditate incensum, nihil sapere humile, nihil abiectum; quin potius ipsis difficultatibus exacui, & ad fortiter, et si periculosè, faciendum, inflammari. Habent hoc sublimes spiritus; per Templum *Virtutis* ad ædem *Honoris* ascendere solent. Jason ubique victor, demonstrat, virtuti & magnanimitati omnia cedere, omnia pervia esse; nec quidquam tam arduum, quod non constanti, improboque labore, animique firmitate attinere, tuique juris facere possis. Avida, inquit Seneca, est periculi virtus, & quod tendat, non quid passura sit, cogitat, marcit sine adversario; crescit in adversis. Et Ovidius:

Apparet virtus, arguiturque malis.

Silius :

(a) *Indoles magnamina.*

Silius :

----- Explorant adversa viros.

Et Seneca Tragoëdus :

Virtutis est domare, quæ cuncti pavent

Nam Philosopho Romano teste : Non quia difficulta sunt, multa non audemus : sed quia non audemus, difficulta sunt.

II. (b) Sed tamen sine Medeæ consilio, nihil præsttit Æsonides noster. Horatius canit, *Mole ruit sua, vis consiliè expers.* Hoc per Medeam significatur ; est enim *μῆδος cura, consilium, à μῆδαι curam gerò,* delibero, meditor, provideo, prospicio. Sine consilio & ratione prudenti impetus omnis, etiam in honestissimis caloribus, in ventos effunditur. Temeritas, inquit Curtius lib. 4. ubi primum effudit impetum, veluti quædam animalia, amissò aculeo, torpet. Et licet initio felicitas aspirare videatur, ad ultimum tamen temeritati non sufficit. *Medea ergo jungenda Iasoni, & Diomedi sociandus Ulysses.* Nulla sine sapientia fortitudo; vacillant vires, nisi consilio fulciantur. Etiam bestiae ruunt in pugnas, sed cæcas. S. August. epist. ad Hieron. Qui vera virtute fortis est, nec temerè audet, nee inconsultò timet.

III. (c) Calcar ad virtutem erant JASONI præmia, juxta Poëtam :

----- Quis enim virtutem amplectitur ipsam.

Præmia si tollas ?

Et alias ?

----- Laudataque virtus

Crescit, & immensum gloria calcar habet,

Delectet, inquit D. Gregorius hom. 17. in Evang. mentem magnitudo præmiorum, sed non dererat certamen laborum. Jasone Duce, Virtute Comite, Gloria Auspice, fortissimi quique Græciæ juvenes, Argivæ robora pubis, & herorum genus, ut Catullus loquitur, incitati sunt ad fortitudinis eximum Decus longinquis è terris per mille pericula quærendum. Tanti est, incitamentum laboris ab exemplo & præmiis sumere. Jasone imitatus est Philippus cognomento *Bonus*, Burgundia Rex, & Dux Brabantia, qui anno Christi 1429. (d) Ordinem ac Societatem Equestrem instituit, è viris nobilitate & opibus, clarissimis, quam *Aurei Velleris* appellavit. Illius insignie : Torques aureus, cum ignitabuli figura, scintillas de filice excutientis, dependente imagine sive Arietis Phrixæ, sive Agni Gedeonici, cum inscriptione : *Premium non vile laborum.* Munus enim & partes horum sunt magnatum, Catholicam fidem armis tueri ac propagare,

Christiana

(b) *Virtus comes Prudensia (c) Calcar virtutis sunt præmia. (d) aurei velleris ordo.*



Christianæ tranquillitatē Reipublicā defendere ac conservare: quōdque pér ignitabulum innuitur, hostes orthodxi nominis fulgere terrere, fulmine ferire. Aliquis hoc lemma assigit: antē ferit, quam flamma micet. Significat egregios animos Deo incitante cœlestes amoris flamas ad defensionem religionis concipere, quibus inflammati, præclara obeunt facinora, & sibi ad vellus aureum, an potius ad beatam immortalitatem viam muniunt. Quos

Ardens evexit ad æthera virtus.

Et quia hic nobilitatis fit mentio per virtutem adeptæ, pérque virtutem conservatae, rectè quidam ait: Non illæ homine Nobili dignæ laudes sunt, si formosus videatur; hoc muliercularum est. Non si robur & vires efferantur: athletarum est. Non si divitiae prædicantur ab omnibus: negotiatorum est. Sed illa vera laus est nobilitatis, si plurima sapiat, præterita respiciens, futura prospiciens. Ipse investiget, & vel faciat, quæ legant alij: vel legat, quæ fecerunt. Aliud est sanguinem, aliud virtutem propagari. Tituli & honores quid nisi arbitria fortunæ, non argumenta virtutis, quæ Majorum gestis, non suis incubat?

I. V. (d) Jam verò, quid Tauri sunt aripedes, naribus ignem efflantes, & à Jasone sub aratri jugum missi? quid ferrea armatorum seges de serpentinis dentibus enata, & in seipsum adversis hastis conversa?

Quando grayem medios jaculatus in hostes.

Est Jason. quid *Draco* pervigil arboris aureæ, unde vellus suspensum, custos? Nimirum per hæc denotantur pravi affectus, indomitæ cupiditates, efferatae concitationes animi, quibuscum viro forti pugnandum est, & victoria referenda. Hic locum habet illud Sapient. c. 10. Certamen forte dedit illi, ut vinceret. Pugna sanè ardua, & magnos etiam heroas sternens. Nam qui dominatur animo suo, major est expugnatore urbium. Prov. 16. Id etiam Ethnici suspexere. Naso:

Fortior est, qui se, quam qui fortissima vincit

Mœnia.

Et:

Audax res viciisse alios; victoria major

Est animi fluctus composuisse sui.

Quantus expugnator urbium Alexander ille Magnus? Totius terrarum orbis vicit ibi ipsi succubuit. Sapienter de illo Arrianus lib. 4. vitæ: Alexandri præclara facinora documento esse possunt, sive quis corporis viribus polleat, sive generis splendore emicet, sive bellica vir-

C e

tute,

(a) Victoria suis.

tute, felicitatēque Alexandrum ipsum superet, sive Africam simul & Asiam ( quemadmodum ille animo destinārat ) pēnavigans subjugārit, si-  
ve Europam, Asiam, atque Africā tertiam adjunxerit, nihil hæc omnia  
homini ad felicitatem adipiscendam profutura sunt, nisi pariter mode-  
ratio animi accedat, quamvis res in speciem maximas gerat. Hæc ille.  
Sunt autem juxta Tullium in Tuscul. quæst. *Quatuor* maximè feroce-  
s animi perturbationes & impetus, qui bestiarum instar in virum, quām-  
libet fortē incurruunt. *Ægritudo* seu *Dolor*, *Cupiditas*, *Metus*, *Vo-  
luptas*. Hi sunt edomandi, & ut Rationi pareant, subjugandi, non a-  
liter, atque Tauri & Dracones Colchici; hos vincit, quisquis seipsum  
vincit; Non vicit, de quo dixi, Alexander, qui *Iracundia*, velut ig-  
nivomo tauro in se impetum facienti, turpissimè cessit, quod inter a-  
lios Valer. Max. lib. 9. c. 3. testatur. Alexandrum, ait, ira sua prope-  
modum cœlo deripuit. Nam quid obstitit, quod minus illuc assurget, nisi Lysimachus leoni objectus, & Clitus hasta trajectus, & Callisthenes  
mori jussus? quia tres victorias totidem amicorum in justis cædibus victor  
perdidit? Eudem quomodo *Libido*, & *Ebrietas*, veluti tauri & dra-  
cones dejecerint, Curtius & Seneca præter alios memorant. Virum for-  
tem, suique, suorumque affectuum victorem describit S. Gregorius lib.  
8. Moral. Fortitudo justorum est carnem vincere, proprijs voluntati-  
bus contraire, delectationem vite præsentis extinguere, hujus mundi  
aspera pro æternis præmijs amare, prosperitatis blandimenta contemne-  
re, adversitatis metum in corde superare.

V. (e) Nihil est autem elegantius in hac fabula, quām mirabilis  
*Lucta*, *Rationis* & *Appetitus* inter se dimicantium, & Medeam duas in  
partes distrahitentium: hinc amore Jasonis advenæ pectus concutiente:  
inde pudore virginali, & insuper parentis *Ætae reverentiâ* obstante, vel-  
lus aureum prodi vetantis. Audiamus ipsam ( nam ad mores informan-  
dos conducit ) secum arduè pugnantem, & Jasoni, quanquam homini  
peregrino, virtute tamen formaque rara prædicto metuentem:

----- cur, inquit, quem modò denique vidi,  
Ne pareat, metuo? quæ tanti causa timoris?  
Excute virgineo conceptas pectore flamas,  
Si potes infelix. Si possem, sanior essem:  
Sed trahit invitam nova vis: aliudque cupidio,  
Mens aliud suadet. Video meliora, proboque,  
Deteriora sequor. Quid in hospite, regia virgo?

Vrbris,

(e) *Lucta rationis & appetitus.*

Vteris, & thalamos alieni concupis orbis?  
 Hæc quoque terra potest, quod ames, dare. *Vivat, an ille  
 Occidat, in Diis est.* vivat tamen, idque precari  
 Vel sine amore licet. quid enim commisit Jason?  
 Quem, nisi crudelem, non tangat Jasonis ætas?  
 Et genus, & virtus? quem non, ut cætera desint,  
 Forma movere potest? certè mea pectora movit,  
 Dixit, & ante oculos *Rectum, Pietasque, Pudorque*  
 Constatuerant, & victa dabat jam terga Cupido.  
 Et jam fractus erat, pulsusque resederat ardor.

Quid sequitur? Appetitus adversus Rationem victoriā. Nam quod  
 illa construxerat, Affectus per aspectum juvenis denuo quasi expergefa-  
 ctus, destruit & evertit.

Cum videt Æsoniden, extinctaque flamma revixit,  
 Et luctata diu, postquam ratione furorem  
 Vincere non poterat, frustra Medea repugnat.

Hoc erroneè. Potuisset enim verò vincere, si fieri voluisset; potuiss-  
 set repugnare efficaciter, si mentem obfirmasset. Doctè scriptum est à  
 M. Tullio lib. I. Offic. in hunc modum: Duplex est vis animorum at-  
 que naturæ: una pars in *appetitu* posita est, quæ Græcis ὄργη dicitur, &  
 hominem huc & illuc rapit; Altera in *ratione*, quæ docet & explanat,  
 quid faciendum, fugiendumque sit. Ita sit, ut *Ratio* præsit, *Appetitus*  
 obtemperet. Ita Tullius. Sed quoniam hæc pars animi, appetitus, in-  
 quam (cujus motus Cicero cupiditates, libidines, concitationes, com-  
 motiones, perturbationes vocat) imperium alterius, superioris & me-  
 lioris, accipere sèpius recusat, aut tergiversatur; hinc assiduum pænè  
 & intestinum in nobis bellum gliscit, cum semina & primordia in ipsis  
 generis humani principibus & protoplastis antecellisse cognoscimus: & ab  
 iisdem deinde in omnem posteritatem miserabiliter transfusa. Hæc est illa  
 pugna *Carnis & Spiritus*, de qua Apostolus Gal. 5. *Caro concupiscit adver-  
 sus Spiritum: Spiritus autem adversus carnem: hæc enim sibi invicem ad-  
 versantur.* Et Rom. 7. *Non ego, quod volo bonum, hoc facio: sed quod  
 nolo malum, hoc ago.* Id quod alijs verbis Medea dixit: *Video melio-  
 ra, proboque; Deteriora sequor.* Et hæc quidem, si corruptam naturam  
 spectemus ita se habent; potentior autem *Gratia* hanc pugnam diri-  
 mit, & spiritui victoriam conciliat, juxta illud ejusdem Apostoli Phi-  
 lipp. 4. *Omnia possum in eo, qui me confortat.* Et Genes. 4. Caino à

C C 2

exde

cæde fraterna cruento, & meliora desperanti, dicitur: *Subter te erit appetitus tuus, & tu dominaberis illius.* Non enim est æquum, ut servus, scil. Appetitus imperet: Ratio verò tanquam regina ac domina seruat. Concupiscentia cedendo augetur: minuitur resistendo. Vox S. Augustini est, serm. 45. de temp. Pugnat concupiscentia; tu repugna: noli eam cedendo satiare, sed resistendo necare. Inseessoris magis culpa est, quam equi, si excutiatur. Non has affectiones habendo, sed eis male utendo, delinquimus, ait S. Prosper. Et veterum Patrum dictum est: *non nocet sensus, si non adsit consensus.* Ad Stoicos est ableganda *ἀταθεῖα, seu affectuum vacuitas.* Non est arbor solida, neque fortis, inquit Seneca, nisi frequens ventus incurset; ipsa enim vexatione constringitur, & radices certius figit: fragiles sunt, quæ in aprica valle creverunt. Virtutis cos est insultus appetitionum; induratur miles pugnando, & sibi dictum putat:

Tu ne cede malis, sed contrâ audentior ito.

VI. (f) Neque aries Phryxeus nobis prætereundus est, cùm multiplex ex eo doctrina suppetat. Nam 1. Quod Phryxum & Hellen per alta vixerit animal hoc, aurea lanâ decoratum, ostenditur, homines per divitias in sublime efferri. 2. Quod Helle ex eo delapsa in Pontum deciderit, indicatur divitias mentibus infirmis, quales sunt feminarum, plus exitij, quam emolumenti adferre. 3. Quod per mare aries vectorem egerit, significatur, navigationes periculosas ad peregrina littora opum augendarum causa institui:

Per mare, per terras currit mercator, & ignes.

Deinde, inviam virtuti nullam esse viam. 4. Quod pro arietinis exuvijs asportandis, tanta fuerint discrimina suscipienda, denotatur, quanto sit opus molimine ad opes comparandas, & quidem cum salutis non raro impendio; nam tauri flammivomi, pestilentes dracones, armatae virorum segetes obiciuntur, ditescere, & possessiones suas extendere volentibus. 5. Quod præstantissimi quique heroës pro vellere arietino adipiscendo vitam & fortunas suas exposuerint: summæque gloriae loco duxerint, spoliium hoc è Colchide abstulisse monstratur per symbolum, quibus ornatum oporteat esse dotibus animum heroicum & Principalem. Laudatur in Proverbijs sacris c. 30. *Gallus succinetus lambos, & aries,* Nam arietis cornua, Eliano teste, elephantus exhorrescit; & quid hæc ad immanem ejus proboscidem? Hoc decet Principem, ut etiam majorem, quam ipse sit, non timeat, sed timeatur ab illo: potentior est, qui vis-

ribus  
(f) *Phryxeus aries quarum rerum Symbolum.*



ribus collectior, quod Salomon innuit per succinctos Arietis lumbos. Deinde dux gregis est Aries. Princeps præcat exemplo. Aries cornibus strenue decertat; Rectori populi depugnandum est pro subditorum bono. Aries inter sidera locatus denotat afflictionem, quæ Divites, Ianæ scilicet aureæ villofos arietes, in cœlum attolit. Præterea significatur, viros fortes, & arietinis spolijs induitos, hoc est rebus præclarè gestis celebres, famâ super æthera ferri. Evidem Arietem apud veteres Symbolum heroicæ fortitudinis fuisse, Pierius docet lib. 10. c. 26. hieroglyph. Carolus, inquit, fortissimus Burgundionum Dux; Caroli V. Imp. avus Sodalitatem è viris lectissimis instituit, cui ab *Arietino Capite cognomentum* indidit, & singulis aureum hujus animalis caput gerendum dedit. In moneta quoque Galinei Imp. aliquis extat nummus, in quo aries expressus cernitur, cum inscriptione *Iovi Conf. Aug.* Quid quod Jupiter ipse Hammonius, arietinis cornibus ab Ægyptijs repræsentaretur, quem veluti salutiferum, salutisque Deum mirifice venerabantur. etque hoc imitandum magnis est animis, ut beneficentia præstent. Et verò constat, jam olim columnis arietina capita adsculpta fuisse, corymbis inde propendentibus, qui foliorum & fructuum varietate lasciviebant. Quò quid aliud innuitur, quam viros heroicæ fortitudinis (cujus imago caput arietinum est) esse patriæ columnas & columina, eam quæ virtute sua temporibus belli tuendo: quæ providentiâ tempore pacis gubernando, conservando, bonis omnibus augendo?

In auratum Phryxi arietem sic quidam argutè.

Impia Thebeæ fugientem regna Novercæ

Fulva auro Phryxum per freta vexit Ovis.

Post ubi consedit seculo in littore Vector,

Ut vellat yellus nobile, maestat ovem.

Nimirum solet hoc auri furiosa cupidus,

E secta miseri pelle crumena rubet.